

Na osnovu člana 16. stav 2. Zakona o Vladi Zeničko-dobojskog kantona – Prečišćen tekst (“Službene novine Zeničko-dobojskog kantona”, broj: 7/10) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na nastavku 95.sjednice, održanom dana 31.12.2011. godine, d o n o s i

O D L U K U
o odobravanju sredstava na ime uplate osnovnog kapitala
JU „Dom penzionera“ Zenica

Član 1.

(Predmet)

Odobravaju se sredstva JU „Dom penzionera“ Zenica u iznosu od 2.000,00 KM (slovima: dvijehiljade konvertibilnih maraka) na ime uplate osnovnog kapitala u novcu.

Član 2.

(Sredstva)

(1) Sredstva iz tačke 1. ove odluke osigurat će se na osnovu Izmjena i dopuna Budžeta Zeničko-dobojskog kantona za 2012. godinu („Službene novine Zeničko-dobojskog kantona”, broj: 17/12) razdjel 20, organizacija 01, potrošačka jedinica 0001, ekonomski kod 821500, pozicija „Ostala osnivačka ulaganja“.

(2) Sredstva uplatiti na račun kod IK banke d.d. Zenica na namjenski depozit za osnovni kapital JU „Dom penzionera“ Zenica.

Član 3.

(Provođenje odluke)

Zadužuju se Ministarstvo za rad, socijalnu politiku i izbjeglice i Ministarstvo finansija, da u skladu sa zakonom i podzakonskim aktima, realizuju ovu odluku, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-14-28285/12.

Datum, 31.12.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x JU „Dom penzionera“, Zenica (putem ministarstva),
1x „Službene novine Zeničko-dobojskog kantona“,
1x a/a.